

6个字的诗句

1.
五噫已出东洛，三复愿比南容。学道未逢潘盎，草书犹似杨风。——苏轼《和何长官六言次韵五首》
2.
看著庄周枯槁，化为胡蝶翩轻。人见穿花入柳，谁知有体无情。——黄庭坚《次韵石七三六言七首》
3.
家住白云山北，路迷碧水桥东。短发潇潇暮雨，长襟落落秋风。——杜牧《山行》
4.
春暖群花半开，逍遥石上徘徊。独携玉律丹诀，闲踏青莎碧苔。古洞眠来九载，流霞饮几千杯。逢人莫话他事，笑指白云去来。——吕岩《六言》
5.
亲戚自有情话，来往都无杂言。酒熟径须相报，文成聊与细论。——范成大《题请息斋六言》
6.
宿露卷青步障，晨曦涌紫金轮。时平有戴白老，春晴宜踏青人。——刘克庄《春日六言十二首》
7.
醉面贪承夕露，钓竿喜近秋风。借问孤舟何处，深入芙蓉浦中。——陆游《夏日六言》

8.
平陆莽为巨浸，晴空变作漏天。明朝是小暑节，重霉必大有年。——刘克庄《久雨六言四首》

9.
青草池边草色，飞猿岭上猿声。万里湘江客到，有风有雨人行。——王建《江南》

10.
行尽风林雪径，依然水馆山村。却是春风有脚，今朝先到柴门。——朱熹《铅山立春》

11.
从来不似一物，妄欲贯穿九流。骨硬非黄閤相，眼青见白蘋洲。——黄庭坚《次韵石七三六言七首》

12.
烟雨湖光软漾，空蒙山色生奇。忆自段家桥水，流连不觉遄飞。——韦应物《烟雨》

13.
风暖江鸿海燕，雨晴檐鹊林鸠。一段青山颜色，不随江水俱流。——文天祥《山中六言三首》

14.
清风初号地籁，明月自写天容。贫家何以娱客？但知抹月批风。——苏轼《和何长官六言次韵五首》

15.
鹤外竹声簌簌，座边松影疏疏。夜静不收棋局，日高犹卧纱厨。——文天祥《山中六言三首》

16.
山下孤烟远村，天边独树高原。一瓢颜回陋巷，五柳先生对门。——王

维《幽居》

17.

珍重绣衣直指，远烦白绢斜封。惊破卢仝幽梦，北窗起看云龙。——苏轼《马子约送茶作六言谢之》

18.

为君试讲古学，此事可蔑天公。君看花梢朝露，何如松上霜风。——黄庭坚《次韵石七三六言七首》

19.

幽州已投斧柯，崇山更用忧何。且喜龚邹冠豸，又闻张董上坡。——黄庭坚《次韵石七三六言七首》

20.

多谢纷纷云雨，相忘渺渺江湖。坐隅但忌占鹄，屋上何烦誉乌？——范成大《题请息斋六言》

21.

白云千里万里，明月前溪后溪。惆怅长沙谪去，江潭芳草萋萋。——刘长卿《苕溪酬梁耿别后见寄》

22.

烟雨湖光软漾，空濛山色生奇。忆自段家桥水，流连不觉遄飞。——韦应物《烟雨》

23.

门对鹤溪流水，云连雁宕仙家。谁解幽人幽意，惯看山鸟山花。——李白《春景》

24.

两两渔舟摇下，双双紫燕飞回。流水白云芳草，清风明月苍苔。——文天祥《山中六言三首》

25.

野步西湖绿縠，晴登北渚烟绵。蒲莲自可供腹，鱼蟹何尝要钱。——苏辙《答文与可以六言诗相示因道济南事作十首》

26.

峡束天围渐小，林穿日脚微明。竹居有径谁扫，水碓无人自鸣。——黄复之《题扇面六言》

27.

桃红复含宿雨，柳绿更带春烟。花落家童未扫，莺啼山客犹眠。——王维《春眠》

28.

税驾今吾将老，结庐此地不喧。恐妨蝴蝶同梦，笑傅颠当守门。——范成大《题请息斋六言》

29.

杨柳鸣蜩绿暗，荷花落日红酣。三十六陂春水，白头想见江南。——王安石《题西太一宫壁》

30.

有饭那思肉味，安居敢厌茅茨。未论颜渊陋巷，老农自是吾师。——陆游《感事六言》

31.

螺甲割昆仑耳，香材屑鹧鸪斑。欲雨鸣鸠日永，下帷睡鸭春闲。——黄庭坚《有惠江南帐中香者戏答六言二首》

32.

听月楼高太清，南山对户分明。昨夜姮娥现影，嫣然笑里传声。——王昌龄《望月》

33.

觅饱如筹大事，拥书似堕重围。误喜敲门客至，出看啄木惊飞。——陆

游《六言》

34.

月在荔枝梢上，人行茉莉花闲。但觉胸吞碧海，不知身落南蛮。——杨万里《宴客南归》

35.

朝来户前照镜，含笑盈盈自看。眉心浓黛直点，额角轻黄细安。只疑落花慢去，复道春风不还。少年惟有欢乐，饮酒那得留残。——庾信《舞媚娘》

36.

莫赋涧松郁郁，但吟陂麦青青。为妇读刘伶传，教儿书甯戚经。——陈与义《六言二首》

37.

插秧已盖田面，疏苗犹逗水光。白鸥飞处极浦，黄犊归时夕阳。——杨万里《农家六言》

38.

欲行水遶山围，但闻鲲化鹏飞。女忧鬓发尽白，兄叹江船未归。——黄庭坚《次韵石七三六言七首》

39.

郭李分争为非。迁都长安思归。瞻望关东可哀。梦想曹公归来。——孔融《六言诗》

40.

早岁已归南陌，暮年常在东篱。短衣幸能掩胫，长剑何须拄颐？——陆游《感事六言》

本文链接：<https://duanjuziku.com/duanjuzi/2a34e3iam9.html>